

მევენახეობის განვითარების რეგიონული თავისებურებების განმსაზღვრელი ფიზიკურ-გეოგრაფიული ფაქტორების კორელაციური ანალიზი (კალაური-მუკუზნის მაგალითზე)

მომხსენებელი: თამარ ჩიბარაშვილი

ხელმძღვანელები: პროფ. ზურაბ სეფერთელაძე, ასისტენტ პროფესორი ეთერ დავითაია

ელ.ფოსტა: tamari.chibarashvili421@ens.tsu.edu.ge

გეოგრაფიის დეპარტამენტი, ზუსტ და საბუნებისმეტყველო მეცნიერებათა ფაკულტეტი, ივ. ჯავახიშვილის სახელობის თბილისის სახელმწიფო უნივერსიტეტი

სიტეტი, ჭავჭავაძის გამზ. #3

ანოტაცია

ბუნებრივი გარემოს ცვლილება მუდმივად მიმდინარეობს ანთროპოგენური ზემოქმედებით, ამის თავლსაჩინო მაგალითია აგროლანდშაფტების წარმოქმნა. ადამიანი უხსოვარი დროიდან ზემოქმედებდა ბუნებრივ ლანდშაფტებზე და მოჰყავდა სხვადასხვა მოსავალი. საქართველოში ერთ-ერთი ყველაზე აქტუალური სამეურნეო საქმიანობაა მევენახეობა, რომლის კერაც კახეთის რეგიონია. კახეთში გამოყოფილია სხვადასხვა მიკროზონა, რომლებიც გამოირჩევა მარალხარისხიანი და განსხვავებული არომატების ყურძნით. ჩემი მიზანია შევისწავლო მუკუზნის მიკროზონა, რომელშიც გაერთიანებულია სოფლები, როგორებიცაა: მუკუზანი, ზეგანის, ჩუმლაყი, ახაშენი, ველისციხე, ვაზისუბანი, შაშიანი, კალაური, შრომა და კახიფრის ტერიტორიები; განსაკუთრებულ აქცენტს კი გავაკეთებ კალაური-მუკუზნის ქვერაიონზე, ვინაიდან ჩემი მშობლიური ფესვები სწორედ ამ ადგილებს უკავშირდება. ბოლო პერიოდში უფრო მეტად დაინტერესდა კახელი გლეხი ვენახის გაშენებითა და მოვლით, სასიხარულო ის არის რომ ახალგაზრდა თაობა უფრო აქტიურად ჩაერთო ვაზის კულტურის გაშენებასა და ადგილობრივი სელექციური ჯიშების გამრავლებაში. დიდი პოპულარობით საგებლობს ადგილწარმოშობის დასახელების ღვინო: „მუკუზანი“ და „ვაზისუბანი“, ახლადფეხადგმულია „კალაური“ და „კვირიკე“, რომლებიც გასულ წელს ჩამოისხა სოფელ კალაურში და მცირე მარნის წარმომადგენლებს ტოლს არავის უდებენ. ყოველწლიურად იზრდება და ვითარდება ამ სოფლების ტურისტული პოტენციალიც.

საკვანძო სიტყვები: აგროლანდშაფტები, მევენახეობა, მიკროზონა